

ՈՐ ՃԱՆԱՊԱՐՀՆ ԸՆՏՐԵԼ

ԱՐՄԵՆ ԳՐԻԳՈՐԵԱՆ

Յօդուածը պատրաստ էր տպագրութեան, երբ ՀՀ ԳԽ նախագահն այցելեց Նոյս Օգարյոյի, Այսուհանդերձ հեղինակի ծտորումները որոշակի հետաքրքրութիւն են ներկայացնում:

Մէկ տարի առաջ ժողովրդավարական ուժերը յաղթանակ տարան հանրապետութեան Գերագոյն հորհրդի ընտրութիւններում եւ փոխարինեցին համայնավարական իշխանութեանը:

Ինչի՞ են հասել նոր իշխանութիւնները մեր ժողովրդին յուզող խնդիրների լուծման ուղղութեամբ եւ ինչպիսի՞ն են հնարաւոր հեռանկարները:

Սկզբունքօրէն նոր իշխանութիւնները կարող էին որդեգրել երկու ֆաղափական գիծ:

Առաջին՝ ելնելով մեր ժողովրդի արցախեան հատուածի ծանր դրութիւնից եւ դեռեւս ուժեղ կենտրոնի որոշիչ դերից, եթէ ոչ այդ հարցի լուծման, ապա զոնէ Արցախը հայկական պահպանելու գործում, կենտրոնի յատկացրած միջոցներով աղէտի գօտու շուտափոյթ վերականգման, հանրապետութեան առայժմ խիստ միակողմանի զարգացած տնտեսութիւնը կենտրոնական մատակարարումներից չզրկելու անհրաժեշտութիւնից, առայժմ կռուկտ ֆաղափականութիւն տանել կենտրոնի նկատմամբ եւ կատարելով ներհանրապետական ժողովրդավարական փոփոխութիւններ, օգտագործել ինքնիշխանութեան մեծացման եւ արտաքին կապեր ու յարաբերութիւններ ստեղծելու հնարաւորութիւնները:

Երկրորդ՝ հակադրուելով փոքր ինչ ժողովրդավարայնացում, բայց դեռեւս բռնապետական նկրտումներ ունեցող կենտրոնին, արմատական փոփոխութիւններ կատարել հանրապետութեան տնտեսական եւ ֆաղափական կառուցուածքներում, նպատակ ունենալով շուտափոյթ կերպով դուրս գալու ԽՍՀՄի կազմից եւ ձեռք բերելու իրական անկախութիւն, չնայած որ դա հասկանալիօրէն կը ծանրացնէր հանրապետութեան տնտեսական վիճակը, աղէտի գօտու վերականգնումը եւ բացասաբար կ'ազդէր Արցախի խընդրի վրայ:

Նոր իշխանութիւնները ընտրեցին երկրորդ ուղղութիւնը եւ այսօր արդէն ակնյայտ է, որ այդպիսի ֆաղափականութիւնը հանրապետութեան ներքին տնտեսական եւ ֆաղափական կեանքում իրական տեղաշարժերի հետ մէկտեղ յանգեցրեց նաեւ ծանր հետեւանքների, յատկապէս արցախահայութեան պայքարի հարցում: Եթէ նախկինում կենտրոնը չլուծելով Արցախի դիրքը, այն պահպանում էր (այսինքն՝ պահպանում էր հայկական Արցախը) որպէս խաղափարտ անհրաժեշտութեան դէպքում Հայաստանի կամ Ադրբեջանի վրայ ճնշում գործադրելու համար, ապա Հայաստանի նոր ֆաղափականութիւնից ելնելով ակնյայտօրէն անցաւ դեռեւս «համայնավարական» Ադրբեջանի կողմը, նրան տրամադրելով իր ոչ միայն ֆաղափական ու տնտեսական, այլեւ ռազմական օգնութիւնը՝ Արցախը հայաքափելու համար: Բնականաբար հարց է առաջանում ժամանակը չի՞ արդեօք որոշակի շտկումներ մտցնելու հանրապետութեան ֆաղափական այս գծում եւ ի՞նչպիսիսի պէտք է լինի այն հետագայում: Այս խիստ բարդ հարցում հնարաւորին չափ ճիշտ եզրակացութեան յանգելու համար անհրաժեշտ է նախ վերլուծել ԽՍՀՄի հետագայ ճակատագրի բիչ թէ շատ հնարաւոր տարբերակները, որոնք ըստ երեւոյթին, երեքն են:

Առաջին՝ դեռեւս իրենցից իրական ուժ ներկայացնող պահպանողական ուժերը, որոնք ունեն մեծ թուով համախոհներ գիւտարականութեան շրջանում, կարող են փորձել վերականգնել համայնավարական բռնապետական կարգերը, թէեւ յաջողութեան հնարաւորութիւնն այս դէպքում հիմայ մեծ չէ:

Երկրորդ՝ հանրապետութիւնների անկախութեան ձգտումը եւ նրանց միջեւ եղած հակասութիւնները կարող են յանգեցնել ԽՍՀՄի կազմալուծմանը, որը կը

վերածուի ազգային հակադրութիւններով տոգորուած, բայց տնտեսական յարաբերութիւններ ունեցող 15 պետութիւնների:

Երրորդ՝ հանրապետութիւնների առաւել հանդուրժողական ֆաղափականութեան դէպքում ԽՍՀՄը ոչ շուտ, բայց աստիճանաբար կարող է վերածուել տընտեսական սերտ կապերի մէջ գտնուող տասնհինգ ինքնուրոյն պետութիւնների, մօտաւորապէս այնպիսին, ինչպիսին է այժմ Եւրոպական Ընդհանուր Շուկայի անդամ պետութիւնների համակարգը:

Վերջին ամիսների դէպքերի զարգացման ընթացքը, յատկապէս Ռուսաստանում ժողովրդավար ուժերի յաղթանակը, ինչպէս եւ ԽՍՀՄի նկատմամբ արտասահմանեան զարգացած երկրների դիրքորոշումը ցոյց է տալիս, որ առաւել հաւանական է վերջին տարբերակը: Ելնելով սրանից, ըստ երեւոյթին, անհրաժեշտ է վերապահումներ կատարելով որոշ կէտերի նկատմամբ, թէկուզ ուշացումով՝ համաձայնուել ստորագրել միութեանական պայմանագիրը: Ուշացումով, ֆանգի եթէ համաձայնութիւնը տրուէր աւելի շուտ, ապա չէին լինի այն մեծ կորուստները, որ մենք ունեցանք վերջին ամիսներին՝ Արցախի եւ Շահումեանի շրջանի դատարկուած հայկական գիւղերը, կորսուած Գետաշէնն ու Մարտունաշէնը, մեծաթիւ զոհերն ու պատանդները, աւերուած սահմանամերձ գիւղերը: Վերջին բռնագաղթումները լապէս տարբերում են եւ շատ աւելի ծանր են մինչ այդ եղածներից: Եթէ Սումգայիթի, Բաֆուի ու Գանձակի բռնագաղթումներն ու շարդերը անձնական դժբախտութիւններ ու դժուարութիւններ էին մեր հայրենակիցների համար, ապա ներկայ բռնագաղթը նաեւ հողի կորուստ է, հայաբնակ հողի կորուստ, Հայաստան աշխարհի փոքրացում:

Զանազան գերագոյն խորհուրդներն ու գորբաչովները, ուշ կամ շուտ անկախանալը ի վերջոյ անցողիկ երեւոյթներ են, իսկ հողի կորուստը, նրա բռնագաղթումն

ու հայաբափումը անդառնալի, վերջնական կորուստ է, ուստի մեր գերագոյն խնդիրը պէտք է լինի նրա պահպանումը ամեն զնով եւ միւս բոլոր, թէկուզ շատ կարեւոր, խնդիրները պէտք է յետաձգել հանուն հայաբնակ հողի պահպանման: Այս բանը լաւ են հասկացել մեր հակառակորդները:

Բաֆուի Յունուարեան դէպքերից յետոյ, զգալով, որ կենտրոնը դեռեւս բաւականաչափ ուժեղ է ու հետեւողական եւ իր անջատողական, հակակենտրոն նկրտումները կարող են յանգեցնել մեծ զոհերի ու Արցախի կորստի, իրատես Ադրբեջանը համարեա ամբողջութեամբ համայնավարական զգեստներ հագնելով անցաւ կենտրոնանուէր ֆաղափականութեան եւ դրա շնորհիւ այժմ ռուսական գօրքի ձեռքերով է իրականացնում իր հակահայկական անմարդկային պլանները: Հետագայում երբ կենտրոնը թոյլ կը լինի եւ լուծուած կը լինի Արցախի հայաբափման հարցը, Ադրբեջանի ֆաղափական դէմքը կարող է փոխուել մէկ գիշերուայ ընթացքում, ինչպէս եղաւ 1920 քուականին, երբ Ադրբեջանը ֆնեց մուսաֆաթիստական եւ արքնացաւ բոլշեւիկեան: Քաղափականութեան նշուած շտկումը բնաւ չի նշանակում հրաժարուել անկախութեան ձրգտումից: Անկախութեան հասնելու գործընթացը մեզանում շատ է առաջ զնացել եւ նրա կասեցումը կարող է ողջ աշխարհի աչքում բարոյական ծանր վճաս հասցնել մեր ժողովրդին: Սեպտեմբերի 21ին հանրաբուէին մեր ժողովուրդը պէտք է միահամուռ «այո» ասի անկախութեանը եւ դա չի հակասի այդ շտկմանը, ֆանի որ ամենայն հաւանականութեամբ դէպքերը ԽՍՀՄում կը զարգանան այնպէս, որ հետագայ հինգ տարիների ընթացքում անկախութեան մեր գործընթացը համահրնչին կը լինի միութիւնում ընթացող պրոցեսների հետ:

Ապագայ սերունդները մեզ չեն ների, եթէ ներկայ սերունդը մի ժողովրդի, որը լուրջ դասեր պէտք է ֆաղած լինէր դարասկզբի եղեցից, դարավերջում չկարողանայ իր ճկուն ֆաղափականութեամբ պահպանել լեռնային եւ դաշտային Արցախի հայաբնակ տարածքները եւ ի վերջոյ չվերականգնի իր անկախ պետականութիւնը: